



Home / VIJESTI / BOSNA I HERCEGOVINA / Demanti Kenana Vehabovića

## DEMANTI KENANA VEHABOVIĆA

Ekran 3 sedmice ago BOSNA I HERCEGOVINA, VIJESTI Leave a comment 183 Views

Na adresu portala Ekran.ba stigao je demanti gospodina Kenana Vehabovića. Budući da naš portal u potpunosti poštuje kodekse novinarstva, demanti gospodina Vehabovića objavljujemo u cjelosti, bez novinarskih intervencija. Tako smo objavljivali i slična druga obraćanja naših čitalaca.

Kao što čitaoci mogu pročitati, gospodin Vehabović nije opovrgao niti jedan navod iz naših tekstova. On govori o anonimnim prijavama sa kojima naši tekstovi nemaju ništa i za koje mi nismo ni znali! Portal Ekran.ba će stoga u narednih nekoliko dana odgovoriti na Vehabovićev demanti, ali iznijeti i nove činjenice vezane za čudne okolnosti zapošljavanja supruge bivšeg inspektora. U cilju korektnosti slijedi nekorrigirani tekst gospodina Kenana Vehabovića, koji je ipak do sada trebao shvatiti da javne funkcije podrazumijevaju i odgovornost za rad i kritiku javnosti.

Poštovani,

Duži vremenski period moja porodica i ja meta smo klevetničkih tekstova, koji se, nepotpisani, s vremena na vrijeme pojavljuju na portalu „Ekran.ba“. Budući da ti tekstovi obiluju neistinitim, netačnim, neprovjerenim i klevetničkim informacijama koje se odnose na moju suprugu i mene, od Vas tražim da, u skladu sa važećim zakonskim propisima i odredbama Kodeksa za štampu i online medije Bosne i Hercegovine, u cjelosti objavite ovo reagiranje (demanti) na seriju tekstova koji su od oktobra 2016. do jula 2017. godine objavljivani na portalu „Ekran.ba“ i koji su još uvijek dostupni na tom portalu.

### RELATED ARTICLES



Kasumović zapustio Zenicu

2 sata ago



BMW zvanično predstavio novi M5

1 dan ago



Vlaisavljevićem

3 dana ago

U tekstovima pod nazivom „Kenan Vehabović nagrađen za sumnjive poslove“ (objavljen 16. oktobra 2016.), „Da li je slučaj Kenana Vehabovića primjer korupcije u javnoj upravi“ (25. oktobra 2016.), „Kenan Vehabović nagrađen za nezakonitosti“ (26. februara 2017.), „Skandal: Kenan Vehabović komentira zakon o visokom obrazovanju“ (17. maja 2017.), „Kenan Vehabović zaposlio suprugu bez konkursa“ (kraj jula 2017.) i „Enida Vehabović konačno konkursom zaposlena“ (kraj jula 2017.) iznijeli ste u javnost mnoštvo neistina i kleveta, koje se moraju demantirati istinom, budući da mojoj porodici i meni nanose ogromnu štetu.

Činjenice su sljedeće:

– na dužnosti kantonalnog inspektora za visoko obrazovanje posao sam radio savjesno i odgovorno, te u potpunosti u skladu sa zakonom. Protiv mene nikada nije vođen bilo kakav postupak u vezi sa bilo kakvim nezakonitostima u radu na poslovima inspekcije. Kako je očigledno da se u zakonitim inspekcijama i nezakonitim radnjama, koje su tim inspekcijama otkrivene i sankcionirane, kriju razlozi pisanja neistina protiv moje porodice i mene, nije teško pretpostaviti ko stoji iza nepotpisanih tekstova na portalu „Ekran.ba“;

– Kantonalna uprava za inspekcijske poslove vršila je, na osnovu anonimnih prijava, više inspekcijских nadzora u vezi sa zapošljavanjem moje supruge Enide Vehabović na mjesto sekretara Odsjeka za geografiju na Prirodno – matematičkom fakultetu Univerziteta u Sarajevu. Postupajući inspektor izvršio je inspekcijску kontrolu, o čemu je sačinio zapisnik u kome jasno stoji da nisu utvrđene nikakve nezakonitosti i nepravilnosti prilikom zapošljavanja Enide Vehabović, o čemu je portal „Ekran.ba“ više puta neistinito pisao;

– Nadležna inspekcija, preciznije Inspektorat prosvjetne inspekcije, opet na osnovu anonimne prijave, vršio je inspekcijски nadzor i o navodima da je Enida Vehabović na nezakonit način stekla diplomu magistra uprave na Fakultetu za upravu Univerziteta u Sarajevu. Utvrđeno je da su navodi iz anonimne prijave bili lažni i da u tom slučaju nije bilo nikakvih nepravilnosti, niti nezakonitosti;

– Inspekcijски nadzor vršen je i na osnovu tvrdnji iz anonimnih prijava u vezi sa mojim sticanjem diplome magistra uprave, kao i u vezi sa studijama III ciklusa koje pohađam na navedenom fakultetu. Ni u tim slučajevima inspekcija nije utvrdila nikakve nepravilnosti i nezakonitosti, što je u suprotnosti s lažnim navodima u seriji tekstova na portalu „Ekran.ba“;

– O svemu navedenom u ovom reagiranju (demantiju) postoji dokumentacija u nadležnim inspekcijским službama i sve se može provjeriti, ali to, očigledno, nije padalo na pamet anonimnom autoru serije neistinitih i klevetničkih tekstova na portalu „Ekran.ba“.

Na kraju, želim još jednom da naglasim da je neistinama koje se navode u pomenutim tekstovima nanosena ogromna šteta ugledu moje porodice i mene. Radi toga, osim objavljivanja ovog reagiranja (demantija) u cjelosti, tražim i to da se portal „Ekran.ba“ ogradi od sadržaja u navedenim tekstovima, te da se izvini mojoj porodici i meni.

Ukoliko ovi zahtjevi ne budu ispunjeni u važećim zakonskim rokovima i ukoliko ne budu ispoštovane odredbe Kodeksa za štampu i online medije Bosne i Hercegovine, biću prinuđen da zaštitu potražim putem nadležne pravosudne institucije.

Napominjem da sam iskoristio svoje pravo da ovo reagiranje (demanti) pošaljem i Vijeću za štampu Bosne i Hercegovine, od kojeg, također, očekujem reakciju u skladu s njegovim nadležnostima.

S poštovanjem,


Kenan Vehabović

SHARE

 Facebook

 Twitter

 Google +

 Stumbleupon

 LinkedIn

 Pinterest